

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **V O D I Č**

**za podnosiocе zahtjeva pristupa informacijama u  
Konkurencijskom vijeću  
(bosanska verzija)**

**Sarajevo, decembar 2006. godine**

## **UVOD**

Vodič treba da pomogne podnosiocima zahtjeva u ostvarivanju njihovih prava u skladu s Zakonom o slobodi pristupa informacijama u Bosni i Hercegovini («Sl. glasnik Bosne i Hercegovine», broj 28/00), (u daljem tekstu: Zakon).

Svrha mu je da sve zainteresovane uputi kako mogu što jednostavnije doći do informacija koje posjeduje Konkurencijsko vijeće.

Vodič će vam pružiti odgovore na sljedeća pitanja:

- koje informacije možete tražiti
- kako možete dobiti traženu informacija
- rok za dostavljanje odgovora na zahtjev
- na koji način možete dobiti odgovor na zahtjev
- ako niste zadovoljni koja su vaša prava
- kako trebate napisati zahtjev za pristup informacijama

Za sva dodatna pitanja na raspolaganju je službenik za informisanje Dragana Lažetić.

**P R E D S J E D N I K**

**Gordan Raspudić**

Sarajevo, decembra 2006. godine

## Koje informacije možete tražiti?

Svakom pravnom i fizičkom licu omogućava se pristup informacijama koje su pod kontrolom Konkurencijskog vijeća, a koje su sadržane u Indeks-registru informacija Konkurencijskog vijeća, u skladu s Zakonom.

Odgovor može u cjelosti ili djelimično biti uskraćen, ukoliko se tražena informacija odnosi na:

- *funkcionisanje institucija BiH* (otkrivanjem informacija osnovano bi se moglo očekivati izazivanje štete u oblasti: vanjske politike, odbrane i sigurnosti, monetarne politike, sprečavanja i otkrivanja kriminala, zaštite postupka donošenja odluka od strane Konkurencijskog vijeća, uključujući davanje mišljenja, savjeta ili preporuka, a ne obuhvata činjenice, statističke, naučne ili tehničke informacije );
- *povjerljive komercijalne informacije*, kada je Konkurencijsko vijeće dužno da hitno treću stranu obavijesti o pojedinostima zahtjeva. Ukoliko treća strana u roku od 15 dana ne obavijesti Konkurencijsko vijeće da je tražena informacija povjerljiva, ista će se objaviti;
- *privatnost* – Konkurencijsko vijeće će odbiti davanje informacije ako utvrdi da tražena informacija uključuje lične interese koji se odnose na privatnost treće osobe. Naročito će se, prilikom izuzimanja od objavljivanja određenih informacija, voditi računa o odredbama Zakona o zaštiti ličnih podataka.

## Kako možete dobiti traženu informaciju?

Da bi ste dobili informaciju koju tražite neophodno je uputiti pismeni zahtjev na jednom od jezika koji su u službenoj upotrebi u Bosni i Hercegovini i to: lično, putem redovne pošte, elektronske pošte ili fax-om.

Obrazac zahtjeva možete dobiti na našoj internet stranici [www.bihkonk.gov.ba](http://www.bihkonk.gov.ba), a on treba da sadrži sljedeće:

- naziv institucije kojoj se obraćate za davanje informacija
- dovoljno podataka o prirodi ili sadržaju informacije koja se traži;
- ime i prezime podnosioca zahtjeva, adresu i broj telefona/faxa ili e-mail adresu;

## Rok za dostavljanje odgovora na zahtjev?

Konkurencijsko vijeće po primljenom zahtjevu prvo utvrđuje da li je zahtjev kompletan i jasan. Ukoliko se ustanovi da zahtjev nije kompletan, u roku od osam dana obavijestit ćemo podnosioca zahtjeva da isti dopuni.

Ako Konkurencijsko vijeće ocijeni da nije nadležno za postupanje po zahtjevu za pristup informacijama, odnosno utvrdi da ne raspolaže traženom informacijom ili je tražena informacija pod kontrolom drugog javnog organa za čiji je slobodan pristup potrebna saglasnost tog organa, bez odlaganja, a najkasnije u roku od 8 dana proslijedit ćemo zahtjev nadležnom javnom organu i o tome pismeno obavijestiti podnosioca zahtjeva.

Ako Konkurencijsko vijeće ne može utvrditi sjedište nadležnog javnog organa, a posjeduje traženu informaciju, onda će pristupiti rješavanju primljenog zahtjeva za pristup informacijama kao da je nadležan.

Ukoliko tražena informacija prema Zakonu može biti izuzeta od objavljivanja, cijenit će se je li njeno objavljivanje, u cjelosti ili djelimično, u javnom interesu o čemu ćemo obavijestiti podnosioca zahtjeva u roku od 15 dana od dana podnošenja zahtjeva. Ovaj rok može biti i duži kada je prethodno potrebno izjašnjenje treće strane o saglasnosti za objavljivanje informacije ili se treća strana obavještava da će se informacija koja je Zakonom predviđena kao izuzetak, zbog postojanja javnog interesa objaviti.

### **Na koji način možete dobiti odgovor na zahtjev?**

Kada Konkurencijsko vijeće odobri pristup informaciji u cijelosti ili djelimično, službenik za informisanje dopisom će obavijestiti podnosioca zahtjeva o:

- mogućnosti ličnog pristupa informaciji u prostorijama Konkurencijskog vijeća ili će podnosiocu zahtjeva dostaviti informaciju u pismenoj formi putem pošte, ako je informacija kraća od 50 strana;
- mogućnosti umnožavanja informacije i dostavljanja putem pošte, ukoliko informacija nema više od 50 strana;
- mogućnosti umnožavanja informacije ako je duža od 50 strana, uz obavezu prethodno izvršene uplate.

Umnožavanje informacije preko 50 strana vršit će se u skladu s Odlukom o troškovima umnožavanja Vijeća ministara BiH.

U slučaju da Konkurencijsko vijeće odbije, u cjelosti ili djelimično, zahtjev za pristup informacijama, podnosioca zahtjeva obavijestit ćemo o tome u roku od 15 dana od dana prijema zahtjeva.

### **Ako niste zadovoljni koja su vaša prava?**

Konkurencijsko vijeće je dužno da u dopisu, kojim podnosioca zahtjeva obavještava da se odbija pristup traženoj informaciji u cjelosti ili djelimično, navede i sljedeće:

- zakonski osnov za status izuzeća informacije, uzimajući u obzir i faktor javnog interesa;
- pouku o pravu na žalbu nadležnom organu, a što uključuje neophodne podatke za kontaktiranje tog organa (adresa i telefon);
- rok za podnošenje žalbe;
- uputstvo da imate pravo da se obratite Ombudsmenu, te podatke za kontaktiranje sa ovom institucijom.

Ovaj vodič se može dobiti u prostorijama Konkurencijskog vijeća kao besplatan primjerak, a istovremeno se nalazi i na službenoj internet stranici Konkurencijskog vijeća [www.bihkonk.gov.ba](http://www.bihkonk.gov.ba).

Adresa Konkurencijskog vijeća:  
Bosna i Hercegovina, Radićeva 8/4, 71000 Sarajevo  
Službenik za informisanje: Dragana Lažetić  
Tel.: +387 33 251 406  
Fax: +387 33 251 408,  
[www.bihkonk.gov.ba](http://www.bihkonk.gov.ba)  
e-mail: [kontakt@bihkonk.gov.ba](mailto:kontakt@bihkonk.gov.ba)

### **Kako trebate napisati zahtjev za pristup informacijama?**

---

Ime i prezime podnosioca zahtjeva  
Adresa, telefon i e-mail podnosioca zahtjeva

KONKURENCIJSKO VIJEĆE  
Radićeva 8/4  
71000 Sarajevo

### **PREDMET: Zahtjev za pristup informacijama**

Na osnovu Zakona o slobodi pristupa informacijama Bosne i Hercegovine (mogućnost, ali preporučena kako bi ovo pomoglo u brzom prepoznavanju prirode zahtjeva) tražim da mi omogućite pristup (precizirati traženu informaciju koliko je to moguće). Upućivanje na bilo koji poznati materijal kao što su imena i mjesta koja se odnose na traženu informaciju, vremenski period koji istražujete, itd. može pomoći da se pronađe informacija.

S poštovanjem,

Potpis podnosioca zahtjeva

---